

እዝራ ጊደ ቆፋ

እዝራ ማጽፋይ ሃኒዳዝ ዛሪ ዮተዛ ማጽፋ ናሞእታፔ ካሊዛ ማጽፋ ጊዲሺን እዚ ዮተዛይ ባቢሎኔፔ ሲሚዳ ጉላ አይሁዳ አሳይ ሲሚዳይሳኔ ዬሩሳላሜን አሳ ዱሳይኔ ጎይኖ ዋጋይ ኦራዲዳይሳ ዮቴስ፤ ሄይተካ ሃይሳፌ ጋርሳ ባጋራ ዲዛይታ።

1. ፓሪሴ ካዎ ቂርሳ ፒቃዴን ባቢሎኔ ዲኤቲ ቢዳይታፔ ኮይሮ ሲሚዳይታ (1-6)።
2. ጸሳ ኬላዚ ሲሚ ኬጾቲዲ አንጃቲን አሳይ ዬሩሳላሜን ጸሳስ ጎይኖ ደሚዴስ (7-8)።
3. ዳሮ ላይላታፔ ጉዬ ጸሳ ዋጋ ኤራንቻዛ እዚራ ካሌሶን አይሁዳ አሳይ ጉዬ ዬሩሳላሜ ሲሚዴስ፤ እዝራይ ጸሳ ኬላ ሚሻታ ኢስቲ ካሴ ዲዛሶ ዛራናስ ዴሬዚ ባ አያና ዱሳኔ ሳኦ ዱሳ ዛሪ ኤሳናስ ማዲዴስ (9-10)።

ሃ ማጽፋይ ኦይኪዳ ኩሜሳ ቆፋ

አይሁዳ አሳይ ዲኤቲ ቢዳሶፔ ጉዬ ሲሞ 1:1—2:70
ያርሾ ያርሺዛሶዛ ዛሪ ኦሶኔ ጸሳ ኬላ ኬጾ ደሜል 3:1—4:6
ዬሩሳላሜ ዛሪ ኬዲሺን ጋኪዳ ሜቶ 4:7-23
ጸሳ ኬላ ኦሶ ፖሌቴል 4:24—6:22
እዝራይ አይሁዳ አሳ ካሌሊዲ ዬሩሳላሜ ቡስ 7:1—8:36
አይሁዳቲ አይዛቤታፔ ኤኪዳ ማቼታ አንጂ ዬዳና ማላ ሺቂዳ ቆፋ 9:1—10:44

አይሁዳቲ ሲማና ማላ ካዎ ቂርሳ አዋጃ

¹ ቂርሲ ፓሪሴ ዴሬን ካዎቲዳ ኮይሮ ላይል ጸሳይ ቂርሳ አያና ዴንሌሊዲ እዚ ባ ካዎቲላ ኡባን አዋጃ አዋጂዲኔ ሄ አዋጃ ጸፊ ዋላና ማላ ኦሊዴስ፤ ሄሲካ ሃኒዳይ ካሴ ናቤ ኤርማሳ ባጋራ ጸሲ ዮተዳ ቃላይ ፖሌታና ማላሳ።

² ፓሪሴ ካዎ ቂርሲ አዋጃን ኬሲዳ አዛዘይ፥ «ጎዳ ሳሎ ጸሳይ ታና ቢታ ካዎቲላታ ኡባ አይሳና ማታ ታስ እሚዴስ፤ ዩሁዳ ቢታን ዲዛ ጸሳ ኬል ዬሩሳላሜን ታ ኢዛስ ኬጾና ማላ አዛዚዴስ።

³ ኢንቴ ጊደፌ ጸሳ አስ ጊዲዳይሳራ ጸሲ ጊደ፤ ዩሁዳ ዴሬን ዲዛ ዬሩሳላሜ ካታማ ቢዲ ጎዳ ኢሰራኤሌ ጸሳ ኬላ ኬጾ።

4 ሃይቆፔ ኣቲዲ ባ ዴሬ ሲሚዛይታስ ሄን ባ ዲዛሶን ኣቲዛይቲ ዩሩሳላሚን ዲዛ ጸሳ ኩላ ኩጸስ እሚዛ እሞታፔ ቦላራ ቢራ፥ ዋርቃ፥ ሜሄታኔ ሃራ ሚሻታ ጉጂ እሞን ማዴቶ፤ ሄሲካ ኢስቲ ባንታ ዶሳን እሚዛ እሞታ ጊዶ» ጌሰ።

5 ሄሳፌ ጉዬ ዩሁዳኔ ቢኒያሜ ዜሬላታ ዳናቲ፥ ቄሴቲ፥ ለዌቲኔ ጸሳይ ዋዚና ዴገሌሊዳ ኣሳይ ዉሪ ሲሚ ባናሲኔ ዩሩሳላሚን ዲዛ ጸሳ ኩላ ዛሪ ኩጸና ጊጌቲ ዴንዲዳ።

6 ዶላቲካ* ዉሪ ባ ኪያቲላን እሚዳ እሞታ ቦላ ጉጂዲ ቢራፔኔ ዋርቃፌ ኦሴቲዳ ሚሻታ፥ ዲማ ዲማ ሶ ጊዶን ጎኤቲዛ ሚሻታኔ ሜሄታ ጸሳ ኩላን ሙጹዋታ ጊዲዛ ሃራ ጎኤዛ ሚሻታ እሚ ማዲዳ።

7 ካዋ ቂሮሲ ካሴ ካዋ ናቡካዳናጾሬይ ዩሩሳላሚን ዲዛ ጸሳ ኩላፌ ቦንቂ ኤኪ ኤፊዲ ባ ኤቃ ጸሳ ኩላን ዋሊዳ ጸሳ ሚሻ ኡባ ዛሪ እሚዴሰ።

8 ፓሪሴ ካዋ ቂሮሲ ሚንጃ ኩላ ዳና ሚቲራዳጹ ባጋራ ጸሳ ኩላ ሚሻቲ ያና ማላኔ ዩሁዳ ዴሬ ኣይሲዛ ሴሳቢሳሬሰ ሼጲዴሰ።

9 ሲሚዳ ሚሻቲ ሃይሳፌ ካሊ ዲዛይታ፤ ዋርቃፌ ኦሴቲዳ ሳኔቲ 30፥ ቢራፔ ኦሴቲዳ ሳኔቲ 1,000 ሃራ ዲማ ዲማ ሳኔቲ 29፤

10 ዋርቃፌ ኦሴቲዳ ጉቃ ሳኔቲ 30 ቢራፔ ኦሴቲዳ ቂሪ ሳኔቲ 410 ጎኤዛ ሃራ ሚሻቲ 1,000።

11 ሴሳቢሳሬይ ዲኤቲዳ ኣሳታራ ጊዲዲ ባቢሎኔፔ ዩሩሳላሚ ሲሚ ዩሼ ኤኪ ኩዚዳ ሚሻ ቆዳይ ኢሲ ቦላ 5,440።

2

ዲኤቲላፌ ባ ዴሬ ሲሚዳ ኣሳ
(ናሂ 7:4-73)

1 ባቢሎኔ ካዋ ናቡካዳናጾሬይ ባቢሎኔ ዴሬ ዲኢ ኤፊዳይታፔ ዩሁዳኔ ዩሩሳላሚ ካታማታ ሲሚዳ ኣሳቲ ሃይሳፌ ካሊ ዲዛይታ፤

2 ዲኤቲላፌ ሲሚ ዩዳ ኣሳታሰ ዳና ጊዲ ዩዳይቲ ዜሩባቤሌ ኢያሶ፥ ናሂሚያ፥ ሳራያ፥ ማርዲኪዮሳ፥ ባልሻኔ፥ ሚሲፋሬ፥ ቢጉዋዬ፥ ኤሬሁሜኔ ባኣና ጌቲቲዛይታ። ባ ዴሬ ሲሚዳ ኢሰራኤሌ ኣሳ ቆዳይ ሃይሳፌ ካሊ ዲዛይሳ፤

3 ፓሪሴ ዜሬላቲ 2,172፤

* 1:6 ዶላቲካ፡ ዶላቲካ ጊዛይሲ ኣይሁዳፔ ዋይኮ ፓሪሴ ዴሬ ኣሰ ጊዳና ዳንዳዬቲሰ።

- 4 ሻፋጺያ ዜሬላቲ 372፥
- 5 ኣራሄ ዜሬላቲ 775፥
- 6 ኢያሶፔኔ ኢዮኣቤ ናይታፔ ፓሃቴ-ሞኣቤ ዜሬላቲ 2,812፥
- 7 ኤላሜ ዜሬላቲ 1,254፥
- 8 ዛቶ ዜሬላቲ 945፥
- 9 ዛካዬ ዜሬላቲ 760፥
- 10 ባኔ ዜሬላቲ 642፥
- 11 ቤባዬ ዜሬላቲ 623፥
- 12 ኣዘጋዴ ዜሬላቲ 1,222፥
- 13 ኣዶንቃሜ ዜሬላቲ 666፥
- 14 ቢጉዋዬ ዜሬላቲ 2,056፥
- 15 ኣዲኔ ዜሬላቲ 454፥
- 16 ሂዝቂያሳ ና ኣጻሬ ዜሬላቲ 98፥
- 17 ቤሳዬ ዜሬላቲ 323፥
- 18 ዮራ ዜሬላቲ 112፥
- 19 ሃሹሜ ዜሬላቲ 223፥
- 20 ጋቤሬ ዜሬላቲ 95፥
- 21 ዲኤቴላፌ ሰሚዳ ኣሳታ ጊዶፌ ካሴ ኢስታ ኣዋቲ ዲዛ ካታማቲኔ ሄ ካታማታን ዲዛ ኣሳ ቆዳይ ሃይሳፌ ካሊ ዲዛይሳ፤
ቤቴሊሄሜ ካታማ ኣሳቲ 123፥
- 22 ናጾፌ ካታማ ኣሳቲ 56፥
- 23 ኣናቶቴ ካታማ ኣሳቲ 128፥
- 24 ኣዚሞቴ ካታማ ኣሳቲ 42፥
- 25 ቂሪያቴ-ዩኣሪሜ፥ ካፊሬኔ ቢኤሮቴ ኣሳቲ 743፥
- 26 ኤራማኔ ጌባ ኣሳቲ 621፥
- 27 ማከማሴ ካታማ ኣሳቲ 122፥
- 28 ቤቴሌኔ ኣዬ ካታማ ኣሳቲ 223፥
- 29 ኔቦ ካታማ ኣሳቲ 52፥
- 30 ሜጌቢሴ ካታማ ኣሳቲ 156፥
- 31 ሃራ ኤላሜ ካታማ ኣሳቲ 1,254፥
- 32 ሃሪሜ ካታማ ኣሳቲ 320፥
- 33 ሎዳ፥ ሃዲዴኔ ኦኖ ካታማ ኣሳቲ 725፥
- 34 ኢያርኮ ካታማ ኣሳቲ 345፥
- 35 ሳናኣ ካታማ ኣሳቲ 3,630፥
- 36 ዲኤቴላፌ ሰሚዳ ቁሴ ዜሬላቲ ሃይሳፌ ካሊ ዲዛይታ፤
ኢያሶ ዜሬላታፔ ያዳያ ዜሬላቲ 973፥
- 37 ኢሜሬ ዜሬላቲ 1,052፥
- 38 ፓሽኩራ ዜሬላቲ 1,247፥

- 39 ሃሪሜ ዜሬላቲ 1,017፤
- 40 ዲኤቴላፌ ሲሚዳ ለዌ ዛሬቲ ሃይሳፌ ካሊ ዲዛይታ፤
ሆዳዬፔ ጊዲዳ ኢያሶኔ ቃዲሞኤሌ ዜሬላቲ 74፤
- 41 ጸሳ ኬላን ዩጺዛ ኣሳፌ ዜሬላቲ 128፤
- 42 ጸሳ ኬላ ናጊዛ ጸልሞኔ፡ ኣጻሬ፡ ሻሎሜ፡ ኣቁቤ፡ ሃጺጺኔ
ሾባዬ ዜሬላቲ 139፤
- 43 ዲኤቴላፌ ሲሚዲ ጸሳ ኬላ ኦሶስ ዶሬቲዳ ቆሞቲ ሃይሳፌ
ካሊ ዲዛይታ፤ ጸሃ፡ ሃሱጳኔ ጸባኦቲ ዜሬላታ፤
- 44 ቂርቤ፡ ሲኣሃኔ ፓዶኔ ዜሬላታ፤
- 45 ሊባና፡ ሃጋቤኔ ኣቁቤ ዜሬላታ፤
- 46 ሃጋቤ፡ ሻሚላዬኔ ሃናኔ ዜሬላታ፤
- 47 ጊዴሌ፡ ጋሃሬኔ ኤራኣዬ ዜሬላታ፤
- 48 ኤራሶኔ፡ ኔቆዳኔ ጋዛሜ ዜሬላታ፤
- 49 ኦዛ፡ ፋሳሄኔ ቤሳዬ ዜሬላታ፤
- 50 ኣሴኔ፡ ማኡኔኔ ኔፍሲሜ ዜሬላታ፤
- 51 ባቂቡቄ፡ ሃቁፋኔ ሃሪሁሬ ዜሬላታ፤
- 52 ባጺሎታ፡ ማሂዳኔ ሃርሻ ዜሬላታ፤
- 53 ባርቆሳ፡ ሲሳራኔ ቱማሄ ዜሬላታ፤
- 54 ኔጺሃኔ ሃጺፋ ዜሬላታ፡፡
- 55 ዲኤቴላፌ ሲሚዳ ሶሎሞኔ ኣይሌታ ዜሬላፌ፡ ሶጻዬ፡
ሶፌሬቲ፡ ፋሩዳ፤
- 56 ያኢላ፡ ዳርቆኔ፡ ጊዴሌ፡
- 57 ሻፋጺያ፡ ሃጺላ፡ ፖኬሬቲ-ሃጺባሜኔ ኣሚ ጌቲቲዛይታ፡፡
- 58 ጸሳ ኬላ ኦሳንቻታ ባጋቲኔ ሶሎሞኔ ኦሳንቻታ ዜሬላ ቆዳይ
ኢሲ ቦላ 392፡፡
- 59 ሃይሳፌ ካሊ ዲዛይቲ ቱሊ-ሜላ፡ ቱሊ-ሃርሻ፡ ኪሩቤ፡
ኣዳና፡ ኢሜሬ ጌቲቲ ጸይጌቲዛ ካታማታፔ ዩሩሳላሚ ሲሚዳይታ፤
ጊዶ ኣቲን ኢስታ ጊዲን ወይኮ ኢስታ ኣዋቲ ኢስራኤሌ ዜሬላ
ጊዲዳይሳ ሻኪ ኤሪሳናስ ዳንዳይቤቲና፡፡
- 60 ሃ ኣሳቲ ዳላያ፡ ጸቢያኔ ኔቆዳ ቆሞታ ጊዶን ጉጃቲቲስ፤
ኢስታ ቆዳይካ 652፤
- 61-62 ሃባዬይ፡ ሃቆጾይኔ ባርዚሊይ ቄሴታ ዜሬላታ፤ ጊዶ ኣቲን
ካሴ ኢስታ ኣዋቲ ኦና ጊዲዳኮኔ ኢስቲ ኤርንታ ኣጊዳ ጊሻስ
ቄሴቲላ ኦሶ ኦሶንታ ማላ ዲጌቲዳ፡፡ *

* 2:61-62 ባርዚሊይ ጋላኣዴ ዴሬፔ ባርዚሊ ጌቲቲዛይሳ ናይታፔ ማቕ ኤኪዳ
ጊሻስ ሄሳን ጴይጌቲዴስ፡፡

⁶³ ዳሬ ኣይሲዛይሲ ኡሪሜኒኔ ቱሚሚ ጌቴቲዛ ጸሳ ሼኔ ኦይቺዛ ቄሴይ ዳንዳና ጋካናስ ጸሳስ ዲማቲዳ ካፋፌ ኢስቲ ሞንታ ማላ ኣዛዚደስ።

⁶⁴ ሄሳ ማላን ዲኤቴፋፌ ሲሚዳ ኣሳታ ታይቦይ ኢሲ ቦላ 42,360።

⁶⁵ ኢስታ ማጫሳታኔ ኣቱማ ኦሳንቻታ ታይቦይ ኢሲ ቦላ 7,337፤ ቃሴካ ዬፋ ዬዲዛ ማጫሳቲኔ ኣቱማሳቲ ኢሲ ቦላ 200።

⁶⁶ ኢስታስ 736 ፓራቲኔ 245 ባቁሎቲ፤

⁶⁷ ኦይዱ ዴታኔ ሄዙ ታማኔ ኢቻሹ ጋሜላቲኔ 6,720 ሃሬቲ ኢስታስ ዴቲስ።

⁶⁸ ሃ ዲኤቴዳ ኣሳቲ ሲሚዱ ዬሩሳላሚን ዲዛ ጸሳ ኬል ጋኪዳ ዋዴ ኢሲ ኢሲ ዛርኬ ኮራፒኔቲ ጸሳ ኬል ካሴ ባ ዲዛሶን ኬዴታና ማላ ባ ሼኔን ሙጽዋታ ኢሚዳ።

⁶⁹ ኢስቲ ባስ ዳንዳዬቲዛ ማላ ጸሳ ኬፋ ኦሶስ ኬሴቲ ኢሚዳ ኢሞታይ ኢሲ ቦላ 500 ኪሎ ዋርቃ፤ 2,786 ኪሎ ቢራ፤ ቄሴታስ ቤሲዛ ማይኦ 100 ኢሚዳ።

⁷⁰ ቄሴቲ፤ ሌዌቲ፤ ዬፋ ዬዲዛይቲ፤ ጸሳ ኬል ናጊዛይቲኔ ጸሳ ኬፋ ኦሳንቻቲ ባ ማታን ዲዛ ካታማን ኡቲዳ፤ ቃሴ ኣቲዳ ኢስራኤል ኣሳቲ ካሴ ኢስታ ኣዋቲ ኢዛን ዴኢዛ ካታማን ኡቲዳ።

3

ጎይኖ ዋጋይ ቃሴካ ዶሜቲደስ

¹ ላፑንፋ ኣጊናን ኢስራኤሌቲ ባንታ ካታማን ካታማን ዲዛሶፔ ኢሲ ቆፋን ጊዲዲ ዬሩሳላሚን ሸቂዳ።

² ሄሳፌ ጉዬ ኢዮሳዶቄ ና ኢያሶይኔ ኢዛራ ኦላዛ ቄሴቲ ቃሴካ ሳላቲያሌ ና ዜሩባቤሌይኔ ኢዛ ዳቦቲ ኢዛራ ኢሲፌ ጸሳ ኣስ ጊዲዳ ሙሴ ዋጋ ማጽፋን ካሴ ጻፊቲዳ ማላ ጽጌቲዛ ያርሾ ሸሻናስ ኢስራኤሌ ጸሳስ ያርሺዛሶን ያርሾ ያርሻናስ ዳንዳይዳ።

³ ዲኤቴፋፌ ሲሚ ዬዳ ኣሳይ ሄ ቢታን ዲዛ ኣሳ ኤቄቴፋፌ ዴንዲዳይሳን ባቢኮካ ካሴ ያርሾ ያርሺዛሶዛ ዛሪ ጊግሲዳ፤ ሄሳፌ ጉዬ ማላዶኔ ኦማርስ ኡባ ዋዴ ፓጩይ ባይንዳ ጸሳስ ያርሾ ያርሺዳ።

4 ሄሳፌ ጉዬ ዋጋይ እዛዚዛ ማላ ዳሴ ባኣሌ ቦንቹዳ። ኢሲ ኢሲ ጋላሳስ ቤሲዛ ያርሾካ ሺሺዳ።

5 ቃሴ ኡባ ጋላስ ጸጌቲዛ ያርሾ፣ ኣገናን ኣገናን ያርሺዛ ያርሾኔ ጎዳስ ጌሻ ባኣሌታን ያርሼቲዛ ያርሾ ኡባ ያርሺዳ፤ ቃሴካ ኣሳይ ባ ዶሳን ጸሳስ እሚዛ እሞታ ኡባ ሺሺዳ።

6 ላፑንሶ ኣገናይ ጌሊዳ ማላ ኮይሮ ጋላሳን ጸሳስ ጸጌቲዛ ያርሾ ሺሾ ዶሚዳ፤ ጊዶ ኣቲን ጸሳ ኬላ ኦሶይ ዶሜቲቤና።

ጸሳ ኬላ ዛሪ ኬጾ ዶሜሳ

7 ሄሳፌ ጉዬ ዳሬይ ሹቻን ኬጸዛይታሲኔ ኣናጹታስ ጨጌቲዛ ሚሽ እሚዳስ፤ ቃሴ ሊባኖሴፔ ዚጋ ሚሶ ቃንጺዲ ዮጼ ኣባ ፒንሱዲ ዬዳና ማላኔ ካሉ፣ ኡሺኔ ዋጋራ ዛይቲ ጸርሴኒኔ ሲዶናን ዲዛ ኣሳታስ ዬዲዳ፤ ሄሲ ኡባይ ፓሪሴ ካዎ ቂርሲ ፒቃዴ እሚዳ ማላ ሃኒዳስ።

8 ዬሩሳላሚን ዲዛ ጸሳ ኬላይ ካሴ ዲዛሶ ኣሳይ ጋኪዳፔ ናምኣንሶ ላይላን፣ ናምኣንሶ ኣገናን፣ ሳላቲያሌ ና ዜሩባቤሌኔ ኢዮሳዶቄ ና ኢያሶራ ሃራ ኣቲዳ ኢሻቲ ሄይቲካ ቄሴታ፣ ሌዌታኔ ኢስታራ ኢሲፌ ዲኤቴላፌ ሃ ዬሩሳላሚ ሲሚ ዬዳ ኣሳይ ኡባይ ኢሲ ቦላ ኦሶ ዶሚዳ፤ 20 ላይሶ ጋኪዳይቲኔ ሄሳፌ ቦላ ጊዲዳ ሌዌቲ ዉሪ ጸሳ ኬላ ኦሶ ኣዋቴላን ኦሲሳና ማላ ዶሬቲዳ።

9 ሌዌ ኢያሶ፣ ኢዛ ናይቲኔ ዳቦቲ፣ ቃዲምኤሌይኔ ዩሁዳሄ ዜሬላ ባጋ ጊዲዳ ኣቲማ ናይቲ ዉሪ ኢሲፌ ገጌቲዲ ጸሳ ኬላ ናምኣንሶ ኬጸና ኣዋቴላ ኤኪዳ፤ ሄናዳዴ ዜሬላፌ ጊዲዳ ሌዌቲኔ ኢስታ ኢሻቲ ኢስታ ማዲዳ።

10 ኦሳንቻቲ ጸሳ ኬላ ዮች ዬጊዳ ዎዴ ቄሴቲ ባ ቄሴቴላ ማይኦ ማይኢዲኔ ዲንኬ ማላ ዬላ ሚሽ ኦይኪዲ ቃሴ ኣሳፌ ዜሬላፌ ጊዲዳ ሌዌቲ ዳላ ኦይኪዲ ኢስራኤሌ ካዎ ዳዊቲ ዎዴሶፔ ዋጋ ጊዲዲ ዬዳ ማላ ጸስ ዚሬን ኤቂዲ ጋላቲዳ።

11 ኣሳይካ ዉሪ፣

«ጸሳይ ኪያ ጸሳ፤

ኢዚ ኢስራኤሌ ኣሳ

ሲቂዛ ሲቆይ ሜርናሳ»

ጊዛ ማዛሙራ ጸሳ ቦንቹስ ዬዲዳ፤ ጸሳ ኬላ ዮች ዬሰ ዶሚሺን ኣሳይ ዉሪ ባ ቃላ ቶቄ ሂስቲዲ ኢሊሊሺ ጸሳ ጋላቲዳስ።

12 ጨማ ቄሴታፔኔ ለዌ ባጋታፔ ዳርቲ፥ ዛርኬታፔ ኮራፔኔቲ ካሴ ጸሳ ኬላ ኦሶ ባ አይፌን ቤይዳ ገሻሰ ሃኢ ኬጾቲዛ ጸሳ ኬላሰ ዮቻ ቤኢዲ ባ ቃላ ጾቁ ሂሰቲ ዬኪዳ፤ ሄን ዲዛ ሃራ አሳቲ ቃሴ ባንታ ቃላ ጾቁ ሂሰቲዲ ኢሊሊዳ።

13 ሄሳ ጋሶን ኡፋይሳ ዋሶይኔ ዬሆይ ኢሲ ቦላ ዋላኬቲዲ ሃሆን ሴቴቲዳሰ፤ ጊዶ ኣቲን አሳይ ዬሆ ዋሶኔ ኡፋይሳ ኢሊሊሳ ሻኪ ኤራና ዳንዳይቤና።

4

ጸሳ ኬሊ ዛሪ ኦሴቶንታ ማላ ዳንዲዳ ሴራ

1 ዲኤቴላፌ ሰሚዳ አሳይ ኢሰራኤሌ ጸሳ ኬላ ኬጸሺን ዩሁዳ አሳሰኔ ቢኒያሜ አሳሰ ሞርኬ ገዲዳይቲ ሲዱዳ።

2 ሄሳፌ ዳንዲዳይሳን ዜሩባቤሌኮኔ ኮራፔኔታኮ ዩዲ «ኦኒካ ኢንቴ ማላ ኢንቴ ጸሳ ጎይኒዛይታ፤ አሶሬ ዳሬ ካዎ አሴራዶኔይ ኦና ሃ ቢታ ኤሆሶፌ ዶሚዲ ኢዛሰ ያርሺሽኔ ጎይኒሽ ጋሞኢዶሰ፤ ሄሳ ገሻሰ ሃኢ ኦኒካ ኢንቴናራ ኢሲፌ ኬጻና» ገዳ።

3 ጊዶ ኣቲን ዜሩባቤሌይ፥ ኢያሶይኔ ኮራፔኔቲ ኡባይ «ኦ ጎዳ ጸሳ ኬላ ኬጻናሰ ኢንቴና ኦናራ ጋሊዛ ሚሺ ባዋ፤ ፓሪሴ ካዎ ቂሮሲ ኦና ኣዛዚዳ ማላ ኢሰራኤሌ ጸሳ ኬላ ኦ ኦርካ ኬጻና» ገዲዳዳ።

4 ሄሳፌ ጉዬ ሄ ዳሬን ዲዛ አሳቲ አይሁዳ አሳታ ሂዶታ ቃንጺሶኒኔ ባቢሶን ጸሳ ኬላ ኬጸንታ ማላ ዲጎ ኦይኪዳ።

5 ፓሪሴ ካዎ ቂሮሴ ካዎቴላ ላይላፌ ዶሚዲ ካዎ ዳሪዮሳ ካዎቴላ ላይላ ጋካናሰ ኢሰቲ ኬጸንታ ማላ ኢሰታ ጴጶላናሰ ዘሪዛ አሳታሰ ማጋንጾ ኢሚዳ። *

ዬሩሳላሜ ካታማ ዛሬሊ ኤሶንታ ማላ ዳንዲዳ ሴራ

6 ካዎ አርጾኪሲሲ ካዎቲዳ ኮይሮ ላይላ ዩሁዳኒኔ ዬሩሳላሜን ዴኢዛ ኢሰራኤሌ አሳ ቦላ ኢሰታ ሞርኬቲ ሞቶ ዳብዳቤ ጸፊዳ።

7 ፓሪሴ ካዎ አርጾኪሲሲ ካዎቲዳ ዎዴ ኢዛራ ቢሺላሜ፥ ሚቲራዳጹ፥ ጸቢኤሌራ ኦሊዛ ላጌቲ ኢዛራ ኢሲፌ ገዲዲ ሞቶ ዳብዳቤ ካዎ አርጾኪሲሴሰ ጸፊዳ ዳብዳቤኪ አራማይኬ ቃላኒኔ ፒዳሌን ጸፊቲዲ ናባቤታና ማላ ዬዴቲዳሰ። †

4:2 2ካዎ 17:24-41 * 4:5 ማጋንጾ፡ ማጋንጾ ጉሲ አማራሳ ቃላራ ጉቦ ጉሳ።

4:6 ኣሰ 1:1 † 4:7 ኣራማይኬይ፡ ኣራሜ ዳሬ ቃላ

8 ዳሬ አይሲዛ ኤሬሁሜይን ጸፊዚ ሲሚሳዬይ ዩሩሳላሚ ገሻሰ ካዎ አርጾኪሲሴስ ሃይሳፌ ካሊዛይሳ ጸፊዳ።

9 «ዳብዳቤዛ ጸፊዳይ ዳሬ አይሲዛ ኤሬሁሜ፣ ጸፊዛ ሲሚሳዬ፣ ኤላሚ ቢታን ዲዛ ሱሳፔ፣ ኤርኬፌኔ ባቢሎኔፔ ዩዲ ፒርዲዛ ዳናታፔኔ ኢስታራ ኢሲፌቴሉ ዲዛይታፔ።

10 ቃሴካ ጌታኔ ዋልቃማ ካዎ አሲናፌሬይ ዩሌቲዳ ዳሬፔ ሃራሶ ኤሂዲ ሳማሪያ ካታማኒኔ ኤፊራዲሴ ሻፋ ፒኒዲ አርሼይ ወሊዛ ባጋራ ዳና ማላ ዋሉዳ ሃራ አሳታራ ኢሲፌ ጸፊዳ ዳብዳቤ» ጌዳ።

11 ዳብዳቤዛስ አይፌ ዮኦይ ካዎ አርጾኪሲሴስ፣ ኤፊራዲሴ ሻፋፔ አርሼይ ወሊዛ ባጋራ ዲዛ ኔ ኦሳንቻታፔ ዩዴቲዳ ዳብዳቤይ።

12 «ካዎ! ኔ አቻፌ ኑኮ ዩዳ አይሁዳ አሳቲ ዩሩሳላሚ ቢዲ ሄ ኢታኔ ቲና ካታማዮ ዛሪዲ ኦሶ ቦላ ዴቲስ፤ ገምቤዛካ ዛሪዲ ሎኤሶኒኔ ዮቻ ዩጌላ ቦላ ዴቲስ።

13 ሄሳ ገሻሰ ሃ ካታማያ ሲማ ኦሴቲኮኔ ኢዚ ገምቤይ ገምቤቲ ገሊኮ አሳይ ወሪ ኔስ ገሪዛ ገራኔ ቃራጸ ቃንጸንታይሳ ኔ ኤራ፤ ኔ ካዎቴላ ቦንቸሰ ኢሜቲዛ ኢሞታይ ጉጺ ጉጺ ባናይሲ ኔስ ኤሬቶ።

14 ኑኒካ ኔ ካዎቴላፌ ጎኤቲዛይታ ጌዲዳ ገሻሰ ኔ ቦንቸይ ቦሼቲሺን ኑ ቤዪሼ ጮኤ ጋናሰ ቤሴና ጌዲ ሃ ኪታ ኔስ ዩዲዶስ።

15 ሄሳ ገሻሰ ካሴ ኢንቲ አዋታ ታሪኬይ ኢዛን ጸፊቲ ዲዛ ማጻፋይ ጸሌታና ማላ ቆፊሶስ፤ ሃ ካታማያ ኡባ ማካላንቻ፣ ካዎታሲኔ ዳሬታሰ ሜቶ ሜጺዛ ካታማ ጌዲዳይሳ ኔ ሄ ማጻፋፔ ዴማና፤ ካሴፔ ዶሚዲ ሄ ካታማይ አሳይ ማካላንቻ፤ ካታማያ ሾጩታ ጳይዳይ ሃይሳ ጋሶና።

16 ሄሳፌ ዴንዲዳይሳን ሃ ካታማያ ናሞእንሉ ሲማ ኦሴቲኮኔ ኢዚ ገምቤይ ገምቤቲ ገሊዳፔ ጉዬ ኔ ካዎቴላን ኤፊራዲሴ ሻፋፔ ሄ ፒንላን ዲዛ ዳሬታ ኔ አይሳናይሲ ሜቶ ጌዲዳይሳኔ ኔስ አይኮ ሚሺካ ሄ ፒንላን ባይንዳይሳ ኑ ኔስ ቆንጨሶስ» ጌሰ።

17 ካዎዚካ ዳብዳቤዛ ዛር «ዳሬ አይሲዛ ኤሬሁሜስ፣ ጸፊዛ ሲሚሳዬስ፣ ቃሴ ሳማሪያኒኔ ኤፊራዲሴ ሻፋ ፒንላን ዲዛ ኔናራ ኢሲፌ ኦሉዛይታሰ ሳርይ ጌዳ።

18 «ኢንቲ ዩዲዳ ዳብዳቤይ ቢርሼቲ ናባቤቲን ታ ሲያዲስ፤

19 ሄሳፌ ዴንዲዳይሳን ሎኤሉ ፒልጊ ጸላና ማላ አዛዛዲስ፤ ፒልጌላን ቤቲዳይ ዩሩሳላሚይ ካሴፔ ዶማዳ ካዎ ካዎቴላ ቦላ

ማካላሽ ዲዛር፤ ማካላንቻታሲኔ ኢታ ኦሴዛይታሰ ጊዲዲይሳ ቆንጨሴሰ።

20 ሄሲካ ወሪ ሃንኮካ ዬሩሳላሜይ ኤፊራጺሴ ሻፋፔ ሄ ፒንፋን ዲዛ ዳሬታ ቃራጸኔ ጊራ ጨገሲዛ ዋልቃማ ካዋቲ ካዋቲዳ ዳሬ።

21 ሄሳ ጊሻሰ ታ ሃራ ኣዛዞ ኪታና ጋካናሰ ሄ ኣሳቲ ካታማዛ ዛሪ ኦሶንታ ማላ ዮቲቲ።

22 ኑ ካዋ ኦሶ ቦላ ኣይኮ ሜቶይካ ጋኮንታ ማላ ኢንቴሰ ኢዛ ኣላፊቴፋ ኣዛሎንታ ናጌቲቲ» ጊ ኪቲዴሰ።

23 ካዋ ኣርጾኪሲሴ ዛሮ ዳብዳቤይ ኤሬሁሚሰ፣ ሲሚሳዬሲኔ ኢሰታራ ኦሴዛይታሰ ጋኪ ናባቤቲዳ ማላ ሄራካ ዬሩሳላሜ ቢዲ ካታማ ኦሶንታ ማላ ኣሳ ዋልቃራ ቲቂዳ።

24 ሄሳ ጊሻሰ ዳሪዮሲ ፓሪሴ ዳሬን ካዋቲዳ ናምኣንሶ ላይሰ ጋካናሰ ጸሳ ኬፋ ኦሶይ ዶሜቲዳ ማላ ኤቂ ኣቲዴሰ።

5

ታቲናዬፔ ካዋ ዳሪዮሳሰ ዬዴቲዳ ዳብዳቤ

1 ሄ ዋዴ ናምኡ ናቤቲ ሃጌይኔ ኢዶ ና ዛካራሲ ዬሩሳላሜኒኔ ዩሁዳ ዳሬን ዴኢዛ ኣይሁዳ ኣሳሰ ጸሳ ኬፋ ኦሶ ጊሻሰ ባ ጎዳ ኢሰራኤሌ ጸሳ ሱንፋን ቲንቢቲ ዮቲዳ።

2 ሳላቲያሌ ና ዜሩባቤሌይኔ ኢዮሳዶቄ ና ኢያሶይ ሄ ናቤታ ቃላ ሲዬዳፔ ጉዬ ዬሩሳላሜን ዲዛ ጸሳ ኬሰ ዛሪ ኬጾ ኦይኪዳ፤ ናምኡ ናቤቲካ ኢሰታ ማዲሽ ኢሰታራ ዴቲሰ።

3 ሄ ዋዴ ኤፊራጺሴ ሻፋ ፒንፋን ኣርሼይ ወሊዛ ባጋራ ዳሬ ኣይሲዛ ታቲናዬይኔ ሳቲርቦዚናይ ቃሴካ ኢሰታራ ኢሲፌ ኦሴዛ ዳናቲ ዬሩሳላሜ ዩዲ «ኢንቴሰ ሃ ጸሳ ኬፋ ኬጸናሲኔ ጊምቤዛ ኦራጺሳናሰ ኦኒ ኢንቴሰ ፒቃዴ ኢሚዴ?» ጊ ኦይቺዳ።

4 ቃሴ ሃይሳ ጸሳ ኬፋ ኬጸዛ ኣሳታ ሱንፋ ኤራናሰ ኦይቺዳ።

5 ጊዶ ኣቲን ኣይሁዳ ዳናታ ጸሲ ናጊዛ ጊሻሰ ፓሪሴ ካዋ ዳሪዮሳሰ ኪታይ ጋኪን ሄ ኪታዛሰ ዛሮይ ያና ጋካናሰ ኦሶ ኣጊቤቲና።

6 ኤፊራጺሴ ሻፋ ፒንፋን ኣርሼይ ወሊዛ ባጋራ ዳሬ ኣይሲዛ ታቲናዬይኔ ሳቲርቦዚናይ ቃሴካ ኢሰታራ ኢሲፌ ኦሴዛ ዳናቲ ካዋ ዳሪዮሳሰ ጸፊ ዬዲዳ ዳብዳቤይ ሃይሳፊ ካሊ ዲዛይሳ፤

7 «ቦንቺቲዳ ካዋ ዳሪዮሳ! ኔ ኣይሲዛ ዳራሲኔ ኔሰ ሳሮይ ጊዶ፤

8 ኑኒ የሁዳ ቢታ ቢዲ ጌታ ጸሓክሳይ ጌታ ማሴቲዳ ሹቻኒኔ ሚላን ከጴቲዳይሳ ቤይዳይሲ ኔሰ ኤሬቶ፤ ሄ ኦሶዚካ ጨማቲ ካሌሊሺን ማራኒኔ ኤሶን ኦሴቴላ ቦላ ዴሰ።

9 «ኑኒካ ዴሬዛ ካሌሊዛይታ፡ «ሃይሳ ጸሓክሳይ ዛሪ ከጸናሲኔ ገምባ ኦራዲሳናሰ ኦኔ ኢንቴሰ ፒቃዴ ኢሚዳይ?» ጌ ኦይቺዶሰ።

10 ሃይሳ ኦሶዛ ኦዋቴላን ኦሲሲዛይ ኦናንታኮ ኤሪዲ ኑ ኔሰ ቆንጨሳናሰ ኢሰታ ሱንላካ ኦይቺዶሰ።

11 «ኢሰቲካ ኑሰ፡ «ኑኒ ሳሎኔ ሳኦ ሜዲዳ ጸሓ ኦሳንቻታ፤ ሄሳ ጌሻሰ ዳሮ ላይሳፌ ካሴ ጌታ ኢሰራኤል ካዎይ ከጸዲ ጸሓ ከላ ኑኒ ዛሪዲ ሃኢ ኦሶ ቦላ ዶሰ፤

12 ጌዶ ኦቲን ካሴ ኑ ኦዋቲ ሃይሳ ሳሎ ጸሓ ሃንቄሊዳ ጋሶን ካላዳዊ ቢታ ኦሰ ባቢሎኔ ካዎ ናቡካዳናጾሬን ጸኒሲዴሰ፤ ካዎ ናቡካዳናጾሬይ ጸሓ ከላ ላሊዲ ኦሳ ዲኢ ባቢሎኔ ኤፊዴሰ።

13 ሄሳፌ ጉዬ ቃሴ ባቢሎኔ ዴሬን ካዎ ቂሮሲ ካዋቲዳ ኮይሮ ላይሳ ሃይሳ ጸሓ ከላ ከጸና ማላ ኦዛዚዴሰ።

14 ናቡካዳናጾሬይ ዬሩሳላሜፔ ካሴ ጸሓ ከላፌ ዲኢ ኤፊዲ ባቢሎኔን ዲዛ ኤቃ ከላታን ዋሊዳ ዋርቃፌኔ ቢራፔ ኦሴቲዳ ጌሻ ሚሻታ ኡባ ካዎ ቂሮሲ የሁዳ ዴሬ ኦይሲዛ ሴሳቢሳሬ ባጋራ ዛሪ ኑሰ ኢሚዴሰ።

15 ሄሲካ ዴሬ ኦይሲዛ ዳና ሳቢሳሬይ ጌሻ ሚሻታ ኢሂዲ ዬሩሳላሜን ዲዛ ጸሓ ከላን ዋላና ማላኔ ጸሓ ከላይ ካሴ ባ ዲዛሶን ዛሪ ከጴታና ማላ ካዎ ቂሮሲ ኢዛ ኦዛዚዴሰ።

16 ሄሳ ጌሻሰ ሴሳቢሳሬይ ዬዲ ጸሓ ከላ ዮቻ ዬጌዳፔ ጉዬ ኦሶዚ ኦሴቲ ኦሴቲ ሲንፉ ባና ማላ ሃኒዲ ሃይሳ ጋካናሰ ጸሓ ከላ ኦሶይ ኦሴቴላ ቦላ ዴሰ፤ ጌዶ ኦቲን ጸሓ ከላ ኦሶይ ኦሴቲ ጊጊቤና፡ ጌዳ።

17 «ካዎ! ሂያ ቱማፔ ሃ ጸሓ ከላይ ዬሩሳላሜን ኦሴታና ማላ ካዎ ቂሮሲ ኦዛዚዳ ኦዛዘይ ዲዛኮ ባይንዳኮ ሻኪ ኤራናሰ ባቢሎኔን ካዎ ከላን ማዘጋቢን ጸፊቲ ዲዛይሳ ፒልጊሳ ጴሊሳዳ ኔ ኦይ ጋ ቃቺዳኮ ኑና ኤሪሳና ማላ ዋሶሰ» ጌ ጸፊዳ።

6

ዳሪዮሳ ኦዋጃ

1 ባቢሎኔን ካዎ ሚንጃ ከላን ዲዛ ማዘጋባቲ ዉሪ ፒልጌቲ ጴሌታና ማላ ካዎ ዳሪዮሲ ኦዛዚዴሰ፤

2 ጊደ ኣቲን ባቢሎኔ ካታማን ጊደንታ ሜዶኔ ዳሬን ኣሂማቲ ካታማን ኢሲ ጸሓ ማጽፋይ ቤተዳሰ፤ ኢዛን ጸፊተዳ ቃላይ፡

3 «ቂርሲ ካዋቲዳ ኮይሮ ላይሰ ዩሩሳላሚን ዲዛ ጸሓ ኬላ ጸጌቲዛ ያርሾይኔ ሃራ ዲማ ዲማ ያርሾቲ ሸቂዛሶ ጊዲዲ ኦሴታና ማላ ኣዛዞ ኢሚዳሰ፤ ጸሓ ኬላ ኣዲሳቴላ 27 ሜቲሬ ጊዲሺን ኣሆቴሓዚ 27 ሜቲሬ ጊዳናሰ ቤሴሰ።

4 ገሞቤቲካ ሹቻፌ ኦሴቲዳ ሄቩቶ ዩዩ ኣጲዳ ገሞቤታ ሁኤን ኢሲቶ ዩዩ ኣጲ ሚላን ኩዬቶ፤ ሄ ኦሶዛሰ ኮሺዛ ሚሽ ካዋዛ ሚንጃ ኬላፌ ኢሜቶ።

5 ቃሴ ሃይሳፌ ሲንሌ ካዋ ናቡካዳናጾሬይ ዩሩሳላሚን ጸሓ ኬላፌ ዲኢ ኤኪዳ ዋርቃፌኔ ቢራፔ ኦሴቲዳ ጸሓ ኬላ ሚሻቲ ሲሚዲ ዩሩሳላሚን ኦሴቲዛ ጸሓ ኬላን ኢሰታሰ ቤሲዛሶን ኡቴቶ» ጌሰ።

ጸሓ ኬላይ ኬጾታና ማላ ካዋ ዳሪዮሳ ኣዛዞ

6 ካዋ ዳሪዮሲ ሃይሳፌ ካሊ ዲዛ ኪታ ኣሊዳሰ፤ «ኤፊራጲሴፔ ኣርሼይ ወሊዛ ባጋራ ዲዛ ዳሬ ኣይሲዛ ታቴናዬሰ፤ ሳቴርቦዚናዬሲኔ ኢንቴናራ ኢሲፌ ኦሊዛ ኡባቲ ጸሓ ኬላ ኦሶን ጋኮፍቲ፤

7 ኢንቴ ኦሶዛ ጳጳጾንታ ማላ ናጌቲቲ፤ ኣይሁዳታ ኣይሲዛይሴኔ ኣይሁዳታ ካሌሊዛይቲ ጸሓ ኬላ ካሴ ኢዚ ዲዛሶን ዛሬ ኬጾቶ።

8 ሃይሳ ጋሶን ኢንቴ ጸሓ ኬላ ኦሶ ማዳና ማላ ታ ኢንቴና ኣዛዛዲሰ፤ ሃ ኦሶዛሰ ኮሺዛ ሚሽ ካዋ ሚንጃ ኬላፌኔ ኤፊራጲሴፔ ኣርሼይ ወሊዛ ባጋራ ዲዛ ዳሬፔ ካዋሰ ሸቂዛ ገራ ሚሻፌ ኬዚዲ ኢሰታሰ ኢሜቶ፤ ኦሶዚካ ጳጳጾታና ቤሴና።

9 ቃሴካ ዩሩሳላሚን ዲዛ ቄሴቲ ኢንቴሰ ዮቲዛ ማላ ጋላሰ ጋላሰ ሳሎ ጸሓሰ ያርሾ ሺሻና ማላ ኢንቴፌ ኮዬቲዛ ሚርጎታ፡ ጳርሾታ፡ ጳርሾ ላቃታ፡ ቃሴካ ሙጽዋታሰ ጊዲዛ ጊሰቴ፡ ማጺኔ፡ ዋይኔ ኡሹኔ ዋጋራ ዛይቲ ኡባ ፓጩይ ባይንዳ ኢሰታሰ ኢሚቲ።

10 ሃ ኡባሰ ጋሶይካ ሳሎ ጸሓይ ኡፋይሳን ኤኪዛ ያርሾ ኢሰቲ ሸሺሺ ካዋሲኔ ኢዛ ኣቱማ ናይታ ጊሻሰ ዋሳና ማላሳ።

11 ሃይሳፌ ሃራ ታ ኢንቴና ኤሪሳና ኮይዛ ሚሺ ታ ኢሚዛ ኣዛዞ ኤኮንታይኔ ኣዛዜቶንታይ ዲኮ ኢዛ ኬላ ቱሳ ሾዲዲ ሄ ቱሳ ጸራ ማሲዲ ሄ ማሴቶ ቱሳ ጸራን ካቂቶ፤ ኢዛ ሶዚካ ላሊቲዲ ቡራ ኦሎሶ ጊደ።

12 ሃ ኣዛዞዛ ኢጲዲ ዩሩሳላሚን ዲዛ ጸሓ ኬላ ላላና ኮይዛ ኣይ ካዋኔ ዳሬ ኡባ ባ ሱንሳይ ጳይጌታና ማላ ዩሩሳላሚ ደሪዳ

ጸሳይ ጳይሶ፤ ሃይሳ ኣዛዞዛ ኢሚዳይ ታና ካዎ ዳሪዮሳ ጊዲዳ ጊሻሰ ኡባይ ፖሌታና ቤሴሰ።»

ጸሳ ኬፋ ኣንጂሶ ባኣሌ

¹³ ሄሳፌ ጉዬ ዳሬ ኣይሲዛ ታቴናዬ፥ ሳቴርቦዚናዬይኔ ኢሰታራ ኢሲፌ ኦሴዛ ዳናቲ ካዎይ ኣዛዚዳ ማላ ኡባ ፖሊዳ።

¹⁴ ኣይሁዳታ ካሌሴዛይቲ፥ ናቤ ሃጌይኔ ዛካራሲ ሚንፌሴን ጸሳ ኬፋ ኦሶ ኤሌሲ ኦሴዳ፤ ኢሰራኤሌ ጸሳ ሼኔን ፓሪሴ ካዎ ቂርሲ፥ ዳሪዮሲኔ ኣርጼኪሲሲ ኣዛዚዳ ማላ ጸሳ ኬፋ ኦሶ ፖሊዳ።

¹⁵ ኢስቲ ጸሳ ኬፋ ኦሶ ፖሊዳ ዎዴይ ካዎ ዳሪዮሲ ካዎቲዳ ኡሱፑንሶ ላይፋን ኣዳሬ ኣገናን ሄዳንሶ ጋላሳና።

¹⁶ ሄሳፌ ጉዬ ኢሰራኤሌ ዳሬይ፥ ቄሴቲ፥ ሌዌቲ፥ ቃሴ ዲኤቴፋፌ ሲሚዳ ኣሳይ ኡባይ ጸሳ ኬፋ ኣንጂሶ ባኣሌዛ ኡፋይሳን ቦንቺዴሰ።

¹⁷ ኢስቲካ ባኣሌዛ ቦንቺሰ ጊዲዛ 100 ሚርጎታ፥ 200 ጳርሾታኔ 400 ጳርሾ ላቃታ ያርሾሰ ሺሺዳ፤ ናጋራ ያርሾሰ 12 ዳይሻ ኮርቤታ ኢሰራኤሌ ኣሳ ኢሳ ኢሳ ዛርኬ ሱንፋን ሺሺዳ።

¹⁸ ሙሴ ማጻፋን ጳፌቲዳ ዎጋ ማላ ዬሩሳላሚን ኬጾቲዳ ጸሳ ኬፋን ኦሶሰ ቄሴታኔ ሌዌታ ኢስታሰ ቤሲዛ ማራን ማራን ዎሊዳ።

ፓዚጋ ባኣሌ

¹⁹ ዲኤቲዳሶፔ ሲሚዳ ኣሳቲ ኮይር ኣገናይ ጌሊዳ ማላ ታማኔ ኦይዳንሶ ጋላሰ ፓዚጋ ባኣሌ ቦንቺዳ።

²⁰ ቄሴቲኔ ሌዌቲ ዉሪ ዎጋዚ ጊዛ ማላ ባና ጌሺዳ፤ ሌዌቲካ ፓዚጋ ባኣሌ ቦንቺዛ ዎዴ ዲኤቴፋፌ ሲሚዳ ኣሳታሲኔ ቄሴታሰ፥ ቃሴ ባንታ ጊሻሰ ሸቂዳ ሜሄታ ሹኪዳ።

²¹ ዲኤቴፋፌ ሲሚዳ ኢሰራኤሌ ኣሳቲኔ ሄ ካዎቴፋን ዲዛ ኣይዛቤታ ዎጋ ኣጊዲ ጎዳ ኢሰራኤሌ ጸሳ ጎይኒዛ ኡባታራ ፓዚጋ ካሳ ሚዳ።

²² ጸሳይ ኣሶሬ ካዎ ላሚዲ ኢሰራኤሌ ጎዳይ ኢዛን ጋላቴቲዛ ጸሳ ኬፋ ዛሪ ኬጻና ማላ ኢስታ ኦሶን ማዲዳ ጊሻሰ ላፑን ጋላሰ ኩሚል ኡኬፋ ባኣሌ ኡፋይሳን ቦንቺዳ።

7

እዝራ ማዛመራ

1 ዳሮ ዋዴፕ ጉዬ ኣርጾኪሲሲ ፓሪሴ ዳሬን ካዋቲዳ ዋዴ እዝራ ጌቲቲዛ ኣሲ ዳሰ፤ እዚካ፡ ሳራያ ና፡ ሳራያይ ኣዛሪያሳ ና፡ ኣዛሪያይ ኪልቂያሳ ና፡ ኪልቂያሲ ሻሎሜ ና፡

2 ሻሎሜይ ሳዶቄ ና፡ ሳዶቄይ ኣሂጹቤ ና፡ ኣሂጹቤይ ኣማሪያ ና፡

3 ኣማሪያይ ኣዛሪያሳ ና፡ ኣዛሪያሲ ማራዮታ ና፡ ማራዮቲይ ዛሪሂያ ና፡

4 ዛሪሂያይ ኡዜ ና፡ ኡዜይ ቡቃ ና፡

5 ቡቃይ ኣቢሹኣ ና፡ ኣቢሹኣይ ፊኒሃሴ ና፡ ፊኒሃሲ ኤልኤዜሬ ና፡ ኤልኤዜሬይ ቄሴታ ሃላቃ ኣሮኔ ና፡

6 እዝራይካ ባቢሎኔፕ ዩሩሳላሜ ዩዴሰ፤ እዚካ ጎዳ ኢስራኤሌ ጸሲ ሙሴስ ኢሚዳ ዋጋ ሎኤሊ ኤሪዛ ኣስታማሬ፤ ጸሳ ዋልቃይ ኢዛራ ዲዛ ጊሻስ ካዋዚ ኢዚ ኦይቺዳይሳ ኡባ ኢሚዴሰ።

7 ቃሴ ኣርጾኪሲሲ ካዋቲዳ ላፑንፋ ላይፋን ቄሴታፕ፡ ለዌታፕ፡ ዩጲዛይታፕ፡ ጸሳ ኬል ናጊዛ ዛቤታፕ፡ ኦሳንቻታፕ፤ ኢስራኤሌ ኣሳፕ ኢሲ ኢሲ ኣሳታ ጉጂዲ እዝራራ ኢሲፌ ዩሩሳላሜ ዩዴ፡፡

8 እዝራይ ካዋ ኣርጾኪሲሲ ካዋቲዳ ላፑንፋ ላይፋን ኢቻሻንፉ ኣጊናን ዩሩሳላሜ ጋኪዴሰ።

9 ጊታ ጸሳ ዋልቃይ ኢዛ ቦላ ዲዛ ጊሻስ ባቢሎኔፕ ኮይሮ ኣጊናን ኮይሮ ጋላስ ዴንዲዲ ኢቻሻንፉ ኣጊናን ኮይሮ ጋላስ ዩሩሳላሜ ጋኪዴሰ።

10 እዝራይ ባ ዴኦ ኡባን ጸሳ ዋጋ ፒልጊ ኤራናሰ፡ ኦላናሲኔ ጸሳ ኣዛዞታኔ ዋጋታ ኩሜፋ ኢስራኤሌ ናይታ ታማርሳናሰ ባናቴፋ ኣሊ ኢሚዴሰ።

ካዋዚ እዝራስ ጸፊ ኢሚዳ ፒቃዴ ዳብዳቤ

11 ጎዳይ ኢስራኤሌ ኣሳታስ ኢሚዳ ዋጋኔ ኣዛዞ ሎኤሊ ኤሪዛ ኣስታማሬ ጊዲዳ እዝራስ ካዋ ኣርጾኪሲሲ ኢሚዳ ዳብዳቤይ ሃይሳፌ ካሊ ዲዛይሳ፤

12 ካዋታስ ካዋ ኣርጾኪሲሲፕ ሳሎ ጸሳ ዋጋ ፒልጊ ጴሎን ኬሂ ኤራንቻ ጊዲዳ ዋጋ ታማርሲዛ ቄሴ እዝራ! ሳሮይ ኔስ ጊዶ፤

13 ታ ካዎቴላ ጋርሳን አቁዛ አሳቲኔ ኔናራ ዬሩሳላሜ ሲማና ኮይዛ ኢስራኤል አሳቲ፥ ቄሴቲኔ ሌዌቲ ኡባይ ሲማና ማላ ፒቃዴ ኢማዲሰ።

14 ቃሴ ኔ ኩሼን ዲዛ ጸሳ ዎጋ ማላ ዩሁዳኒኔ ዬሩሳላሜን ፖሌቲዛይሳ ካሌታዳ ኔ ሎኤላ ጸላና ማላ ታና ዘሪዛ ላቸን አሳታን ከቲታዳሳ።

15 ሃራይ ቃሴ ዬሩሳላሜይ ኢዛሰ ዱሳሶ ጊዲዳ ኢስራኤል ጸሳሰ ታኒኔ ታናራ ኢሲፌ ዘሪዛይቲ ኑ ዶሳን ኢሚዳ ቢራኔ ዎርቃ ኤካዳ ባ።

16 ሃይሳ ቦላ ጉጃዳ ኔኒ ባቢሎኔ ዴሬን ሺሺዛ ዎርቃኔ ቢራ፥ ኢስራኤል አሳቲኔ ቄሴቲ ዬሩሳላሜን ዲዛ ጎዳ ኢንቲ ጸሳ ኬላን ሺቃና ማላ ኢሚዛ ኢሞታ ሚሽ ኡባ ኤካዳ ባ።

17 ሄ ሚሻዛን ዬሩሳላሜን ዲዛ ጎዳ ኢንቲ ጸሳ ኬላን ያርሾሰ ጊዳና ማላ ሚርጎታ፥ ቆርሾታ፥ ቆርሾ ላቃታ፥ ቃሴ ሙጹዎታሰ ጊዲዛ ካሊኔ ዎይኔ ኡሹ ኡባ ሻማዳ ያርሾ ሺሻ።

18 ሄሳፌ ቲርፒ አቲዛ ቢራኔ ዎርቃ ኢንቲ ጸሳ ሼኔ ማላ ኔኒኔ ኔ ዴሬ አሳቲ ኢንቲ ዶሲዛ ኦሶሰ ጎኤቲቲ።

19 ኔ ጸሳ ኬላን ኦላና ማላ ኔሰ ሃዳራ ኢሜቲዳ ሚሻታ ኡባ ዬሩሳላሜን ዲዛ ጎዳ ሲንላን ሺሻ።

20 ሄሳፌ ቦላራ ኔ ጸሳ ኬላ ኦሶሰ ኮሺዛ አይ ሚሺካ ካዎ ሚንጃ ኬላፌ ኤካናሰ ዳንዳያሳ።

21 «ኤፌራዲሴ ሻፋ ፒንላን አርሼይ ወሊዛ ባጋራ ካዎ ሚሻ ቦላ አዎቴሊ ዲዛይቲ ኢንቲ ወሪ ሳሎ ጸሳ ዎጋ ታማርሲዛ ቄሴ እዝራይ ኢንቲና ኦይቸዛ ሚሽ ኡባ ኢንቲ ኢዛሰ ኤሶን ኢማና ማላ ታኒ ካዎ አርጾኪሲሲ አዛዛዲሰ።

22 ሄዡ ሺያኔ ኦይዱ ጾቱ ኪሎ ጊዲዛ ቢራ፥ ታሙ ሺ ኪሎ ጊዲዛ ጊሰቲ፥ ናሞኡ ሺ ሊቲሮ ጊዲዛ ኡሹ፥ ናሞኡ ሺ ሊቲሮ ጊዲዛ ዎጋራ ዛይቲኔ ኮሺዛ ኬና ማጸኔ ኢሚቲ።

23 ካዎዛ ቦላኔ ኢዛ ናይታ ቦላ ሃንቆይ ዮንታ ማላ ሳሎ ጎዳይ ባ ኬላ ኦሶሰ አዛዚዛይሳ ኡባ ሚኒ ፖላና ኮሼሰ።

24 ቃሴ ቄሴታፔ፥ ሌዌታፔ፥ ዬጲዛይታፔ፥ ዛቤታፔ፥ ጸሳ ኬላን ኮሺዛ ሚሻን ኦሊዛ አሳታ ኡባታፔ ቃራጸኔ ገራ ቃንጺሳናሰ፥ ዎልቃን ሃራ ሚሽ ኦሲሳናሰ ኢሰታ ቦላ ኢንቲሰ ማታይ ባይንዳይሳ ታ ኢንቲና ኤሪሳይሰ።

25 «እዝራ! ኔ ጸሳይ ኔሰ ኢሚዳ አቋ ኤራቴላ ማላ ካላሼ ኤፌራዲሴ ሻፋ ፒንላን ዲዛ ዴሬ ኡባሰ ኔኒ ጸሳ ዎጋ ኤሪዛ

ዳናታኔ ፒርዲዛይታ ዶራ፤ ጸሳ ዋጋ ኤርንታይታስ ኔኒ ኔ ጸሳ ዋጋ ታማርሳ።

²⁶ ኔኒ ጸሳ ዋጋስ ዋይኮ ካዋ ዋጋ ኡባስ አዛዜቶንታ አሲ ዲኮ አዛዴይ ሃይቆን ዋይኮ ዴሬፔ ጎዴቴላን ዋይኮ አዛ ሃሮ ቦንቃን ዋይኮ ቃሾን ቃጸዬቶ።»

እዝራይ ጸስ ጋላቴዴስ

²⁷ እዝራይ፥ «ዬሩሳላሜን ዲዛ ጸሳ ኬላይ ሃይሳሉ ቦንቹታና ማላ ካዋዛ ኤኖ ሂስቲዳ ጎዳ ኑ አዋታ ጸሲ ጋላቴቶ።

²⁸ ታኒ ካዋ አቻኒኔ አዛ ዘራንቻታ አቻን፥ ዋልቃማ ዳናታ አቻን ዶሴታና ማላ አሉዳ ጸሳይ ጋላቴቶ። ጎዳ ታ ጸሳ ዋልቃይ ታናራ ዲዛ ጊሻስ አሰራኤሌፔ ኮራፒኔቲ ታናራ አሲፌ ጊዲዲ ዬሩሳላሜ ሲማና ማላ ዘራዲ ታ ታማርሳና ማላ ታና ማዲዴስ» ጊ ጸሳ ጋላቴዴስ።

8

ዲኤቲ ቢዳሶፔ እዝራራ ሲሚዳ አሳ

¹ ካዋ አርጾኪሲሲ ካዋቴላን አይሲዛ ዋዴን ታናራ ባቢሎኔ ዴሬፔ ሲሚዳ ኮራፒኔታ ሱንሉ ሃይሳፌ ካሊ ዲዛይሳ፤

² ፊኒሃሴ ዜሬላታፔ

ጌርሾሚ፥

ኢታማሬ ዜሬላታፔ

ዳኔላ፥

ዳዊቴ ዜሬላታፔ ሃጹሼ፥

³ እዚካ ሻካኒያ ና፥

ፓርሴ ዜሬላታፔ

ዛካራሲኔ አስታ ሶ አሳታፔ

150 አዴቲ ጸፌቲዳ፤

⁴ ፓሃቴ-ሞኦቤ ዜሬላታፔ

ዛራሂያ ና ኤልሆኤናዬይኔ

200 አቱማሳቲ፥

⁵ ዛቶ ዜሬላታፔ

ያሃዚኤሌ ና ሻካኒያራ

300 አቱማሳቲ፥

⁶ አዲኔ ዜሬላታፔ

ዮናታኔ ና ኤቤዴኔ

50 አቱማሳቲ፥

⁷ ኤላሚ ዜሬላታፔ

- እታሊያ ና ዩሻኢያኔ ኢዛራ
70 አቱማሳቲ፥
8 ሻፋጺያ ዜሬላታፔ
ሚካኤል ና ዛባዲያኔ
ኢዛራ 80 አቱማሳቲ፥
9 ኢዮኣቤ ዜሬላታፔ
ዉርሴላታ ሱንላይ
ዩሂኤል ና ኣብዲዩኔ
ኢዛራ 218 አቱማሳቲ፥
10 ባኔ ዜሬላታፔ
ዮስፒያ ና ሻሎሚቴኔ
ኢዛራ 160 አቱማሳቲ፥
11 ቤባዬ ዜሬላታፔ
ኢዛ ና ዛካራሳኔ
28 አቱማሳቲ፥
12 ኣዝጋዴ ዜሬላታፔ
ሃቆጾ ና ዮሃናኔ
ኢዛራ 110 አቱማሳቲ፥
13 ኣዶንቃሜ ዜሬላታፔ
ዉርሴላታ ሱንላይ፥
ኤልፋሌዴ፥ ዩኢኤሌ፥ ሻማኤኔ
ኢስታራ 60 አቱማሳቲ፥
14 ቢጉዋዬ ዜሬላታፔ
ኡታዬ፥ ዛኩሬኔ
ኢስታራ 70 አቱማሳቲ ሲሚዳ።

ኢዝራይ ጸሓኢ ኩላን ኦሊዛ ሌዌ ዜሬላታ ዴሞ

- 15 ታኒ ኢዝራይ ኩሜላ ዴሬዛ ኣሂዋ ጎጊዛ ሃላ ሻፋ ኣቶ ሺሻዳ
ሄን ሄዡ ጋላስ ጋምኢዶስ፤ ሄ ሺቆዛን ቄሴታፔ ኣቲን ሃራ ሌዌ
ዜሬላቲ ባይንዳይሳ ኤራዲስ፤
16 ሄሳ ጊሻስ ታኒ ዴራ ካሌሊዛ ኡዱፋን ኣሳታ ኤልኤዜሬ፥
ኣርኤሌ፥ ሻማኤ፥ ኤልናታኔ፥ ያሪቤ፥ ኤልናታኔ፥ ናታኔ፥ ዛካራሳኔ
ማሹላሜ፤ ቃሴካ ናምኡ ኣስታማሬታ ዮያሪቤኔ ኤልናታኔ
ጌቴቲዛይታ ዴይጊሳዲስ።
17 ኢስታካ ካስፒያ ዴሬን ሃላቃ ጊዲዳ ኢዶኮ ኪታዲስ፤
ኢዶይኔ ኢዛ ዳቦቲ ጸሓኢ ኩላን ኦሊዛ ኦሳንቻቲ ኑስ ጸሓኢ
ኦላና ኣስ ዬዳና ማላ ኦላዲስ።

18 ጌታ ጸሳ ዋልቃይ ኑናራ ዲዛ ጊሻሰ ኢስቲ ሎኑ ኤራቴሌ ዲዛይሳ ማሂሌ ዜሬላታፔ ኢስራኤል ና ለዌ ዛሬ ጌዲዳ ሼሬቢያ ዩዲዳ፤ እዚካ 18 ባ አቱማ ናይታኔ ባ እሻታ ካሌሌ ኤኪዲ ኑኮ ዩዴሰ።

19 ቃሴ ሜራራ ዜሬላታፔ ሃሻቢያኔ ዩሻኢያ ጌቴቲዛ 20 ዳቦታራ ኑኮ ዩዲዳ።

20 እዛ ቦላ ጉጂዲ ኢስታሰ ካሴ አዋቲ ለዌታ ዜሬላታ ማዳና ማላ ካዋ ዳዊቲኔ እዛራ ኢሲፌ ኦሊዛ ዳናቲ ፒቃዴ አሚዳ፤ ሄን 220 ኦሳንቻቲ ዴቴሰ፤ ኢስቲካ ባ ሱንላን ጸፊቲዳ።

ጸማኔ ዋሳ

21 ጸሲ ኑ ኦኔ ሎኤላና ማላ፡ ኑናኔ ኑ ናይታ ቃሴካ ኑስ ዲዛዝ ኡባ ናጋና ማላ እዛ ሲንላን ኑናቴላ ዚቂ ኦሊዲ ዋሳናሰ እሂዋ ሻፋ አቻን ጸማ አዋጃዲሰ።

22 ሃይሳፌ ሲንላን ታ ካዋ አርጾኪሲሲ ኤሪሲዛ ዋዴ «ኑ ጸሳይ እዛን አማኔቲዛይታ ኡባ አንጄሰ፤ እዛ አገዛይታ ጌዲኮ ኬሂ ቃጸዬሰ» ጋዳ ታ ቆንጨሲዳ ጊሻሰ ኑናራ ኦጌን ጋጋና ሞርኬታፔ ኑና ናጋና ማላ ካዋዛ ዋታዳራታኔ ቶጋ አሳታ አማ ጋዳ ኦይቺዳኮ ዩላታናኮሺን።

23 ሄሳ ጊሻሰ ጸሳይ ባርካ ኑና ናጋና ማላ ጸማኒኔ ዋሳን ሺቂዶሰ፤ እዚካ ኑ ዋሳ ሲዩዴሰ።

ጸሳ ኬላሰ ሺቂዳ አሞታ

24 ካሌሊዛ ቄሴታ ጌዶፌ ሼሬቢያ፡ ሃሻቢያኔ ሃራታ 10 አሳታ ዶራዲሰ።

25 ሄሳፌ ጉዬ ካዋዚኔ እዛ ዞራንቻቲ፡ ሹሜቲኔ ሄን ዲዛ ኢስራኤል አሳቲ ዉሪ ኑ ጸሳ ኬላ ኦሶሰ አሚዳ ቢራ፡ ዋርቃኔ ሃራ ዲማ ዲማ ሚሻታ ኡባ ሜዛኔን ዋላዳ ኢስታሰ አማዲሰ።

26 ታ ኢስታሰ አሚዳ ጸሳ ኬላ ሚሻቲ ሃይሳፌ ካሊ ዲዛይታ፤

22,000 ኪሎ ጌዲዛ ቢራ፤

70 ኪሎ ጌዲዛ ቢራፔ ኦሴቲዳ

ጴቱ ሚሻታ፤

3,400 ኪሎ ጌዲዛ ዋርቃ፤

27 ኦሰፑን ኪሎኔ 400

ጌራሜ ጌዲዛ

ዋርቃፌ ኦሴቲዳ ሼልኤታኔ

ዋርቃፌ ኦሴቲዳ ማላይ ጸልቂዛ

ጸርቂማላፔ ኦሴቲዳ

2 ሹልኤታ።

28 ታኒካ ኢስታስ፡ «ኢንቴኒኔ ሃ ሚሻቲ ጸሳስ ዲማቲዳይታ፤ ቢራይኔ ዋርቃይ ኢንቴ ኣዋታ ጸሳሳ፤ ሄሲካ ኢንቴ ኢንቴ ሹኔኒኔ ኡፋይሳን ኢሚዛ ዲማ ኢሞታ።

29 ዩሩሳላሚን ዲዛ ጸሳ ኩፋ ጋፋን ባ ኪፊሌን ኪፊሌን ዲዛ ቄሴ ሃላቃታ፡ ሌዌታ ዳናታሲኔ ኢስራኤሌ ዜሬፋ ሃላቃታ ሲንፋን ኢንቴ ሚዛኔን ዋሒ ኢማና ጋካናስ ሎኤሒ ናጊቱ» ጋዲሲ።

30 ሄሳፌ ጉዬ ቄሴቲኔ ሌዌቲ ጌዳሬቲዳ ቢራ፡ ዋርቃኔ ሃራ ጸሳ ኩፋ ሚሻታ ዩሩሳላሚን ዲዛ ጸሳ ኩፋ ኤፋናስ ኣላፌቱላ ኤኪዳ።

ኣሳይ ዩሩሳላሚ ሲሞ

31 ኮይሮ ኣጊናይ ጌሊዳ ማላ ታማኔ ናሞኣንፋ ጋላስ ዩሩሳላሚ ባናስ ኮኒካ ኣሂዋ ሻፋ ኣቻፌ ዴንዲዶስ፤ ኑ ጸሳ ኩሹይ ኑናራ ዲዛ ጊሻስ ኑ ቢዛ ኦጌን ዲዛ ሞርኬታፔኔ ፓንጋታፔ ኑና ኣሺዴስ።

32 ዩሩሳላሚ ጋኪዲ ሄን ሄቹ ጋላስ ሹሞፒዶስ፤

33 ኣይዳንፋ ጋላስ ቢዲ ቢራ፡ ዋርቃኔ ጸሳ ኩፋ ሚሻታ ጸሳ ኩፋን ጌዳሪዲ ኡሪያ ና ቄሴ ሚርሞቲስ ኢሚዶስ፤ ፊኒሃሴ ና ኤልኤዜሬይ፡ ቃሴካ ሌዌ ኢያሶ ና ዮዛባዴይኔ ቢኑዌ ና ናኣዲያይ ኢዛራ ኢሲፌ ዴቲስ።

34 ኡባ ሚሻይ ሄራካ ታይቤቲዳፔ ጉዬ ጌዳሬቲዲ ዋጋራ ጸፊቲዴስ።

35 ሄሳፌ ጉዬ ዲኤቱፋፌ ሲሚዳይቲ ኢስራኤሌ ጸሳስ ያርሾ ጊዲዛይሳ 12 ሚርሳታ፡ 96 ቆርሾታ፡ 77 ቆርሾ ላቃታ ቃሴካ ናጋራ ዲጋናስ ሽቂዛ ያርሾስ 12 ኦርጌታ፤ ሃይሲ ኡባይ ጸሳስ ጸጌቲ ሽቂዛ ያርሾ።

36 ካዋዛ ኣዛዞ ኢዛ ጋርሳን ፖሊዛ ዳናታሲኔ ኤፊራጺሴ ሻፋ ፒንፋን ዲዛ ዴሬ ኣይሲዛይታስ ኢሚዳ፤ ኢስቲካ ዴራኔ ጸሳ ኩፋ ኦሶ ማዲዳ።

9

ኣይሁዳቲኔ ኣይዛቤቲ ኤኮኒኔ ጌሎን ዋላኬቱላ

1 ሃ ሚሻቲ ፖሊቲዳፔ ጉዬ ኢስራኤሌ ካሊሊዛይታፔ ኢሲ ኢሲ ዳናቲ ታኮ ዪዲ፡ «ቄሴቲ፡ ሌዌቲኔ ኢስራኤሌ ዴሬይ ባ ዶፋን ዲዛ ኣሞኔን፡ ሞኣቤን፡ ጊብጾን ዲዛ ኣሳታራኔ ካናኔ ኣሳ፡ ሂቲ ኣሳ፡ ፓሪዜ ኣሳ፡ ያቡሴ ኣሳ፡ ኣሞሬ ኣሳ ቱናቱፋፌ ባንታና ናጊቤቴና፤ ሄ ኣይዛቤቲ ኦሊዛ ማላ ቱና ኦሶ ኦሊዳ።

2 ባንታሲኔ ባንታ ናይታሰ ኣይዛቤታፔ ማቕ ኤኪዳ፤ ሄሳፌ ዴንዲዳይሳን ዲማ ጊዲዳ ጸሓ ዴራ ኣይዛቤታራ ዋላኪ ቱኒሲዳ፤ ሃይሳ ቱና ኦሶዛሰ ዋና ኣይፌ ጊዲዳይቲ ካሌሲዛይታኔ ሃላቃታ» ጊዳ።

3 ታኒካ ሄሳ ሲዬዳ ማላ ታ ቦንቕ ማይኦዛኔ ካባ ዳካዲሰ፤ ቃሴካ ታኒ ታ ሁኤ ቢናናኔ ቡቻ ቡጫዳ ኬሃ ሙዞታ ኡታዲሰ።

4 ታኒ ኦማርሳ ዋዴ ሺቂዛ ያርሾይ ሺቃና ጋካናሰ ዳጋማኒኔ ሙዞቲፋን ጋምኣዲሰ፤ ዲኤቲፋፌ ሰሚዳ ኣሳይ ባ ኦሊዳ ናጋራፔ ዴንዲዳይሳን ኢሰራኤሌ ጸሓይ ዮቲዳ ቃላ ሲዬዳ ኣሳይ ኡባይ ዳጋሚዲ ያዪሼ ታ ዲዛሶ ሺቂዳሰ።

5 ሄሳፌ ጉዬ ኦማርሳ ዋዴ ያርሾይ ሺቂዛ ዋዴ ዳኬቲዳ ታ ማይኦዛ ማይኢዳ ማላ ሙዞታሼ ጉልባታዳ ጎዳ ታ ጸሓኮ ታ ኩሼ ፑዴ ዴንፋዳ ሂዘጋ ዋሳዲሰ፤

6 «ታ ጸሓዉ! ኑ ናጋራይ ኑፔ ዳር ጊዲዳይሳኒኔ ኑ ሞርይ ሳሎ ጋኪዳይሳ ጊሻሰ ታኒ ኔኮ ፑዴ ቶቁ ጋዳ ጸላናዉ ባባይሲኔ ዬላታይሰ።

7 ካሴ ኑ ኣዋታፔ ዶሚዲ ሃቕ ጋካናሰ ኑ ኬሂ ዳር ሞር ኦሊዳሰ፤ ኑ ናጋራፔ ዴንዲዳይሳን ኑኒ፥ ኑ ካዋቲኔ ኑ ቄሴቲ ኣላጋ ካዋታ ኩሼን ኩንዲዳሰ፤ ሄሳፌ ዴንዲዳይሳን ማሻሰ ኢሜቲዶሰ፤ ኑ ሃርይካ ቦንቂቲዳሰ፤ ኑ ቃሼቲዲ ዲኤቲ ቢዶሰ፤ ሃቕ ኑ ዲዛይሳ ማላ ዉርሴሐ ጋካናሰ ካዉዪዶሰ።

8 ጎዳዉ ኑ ጸሓዉ! ኔኒ ኑ ኣይፌ ፖኢሳዳሳ፤ ሄኮ ሃኢ ጉላ ዋዴ ኔ ሲንላን ቦንቕ ዶሚዲ ኑፔ ጉላቲ ኣይሌቲፋ ቃምባራ ጋርሳፌ ኬዚዲ ሃኖ ጌሻ ቢታይ ቦላ ኑ ሳርን ዳና ማላ ኦላዳሳ፤ ኑኒ ኣይሌቲፋ ቃምባራ ጋርሳን ኩንዲዶካ ኔ ኑሰ ኦራላ ዴኦ ኢማዳሳ።

9 ኑ ኣይሌ ጊዲኮካ ኑ ጸሓይ ኑኒ ኣይሌ ጊዲ ኣታና ማላ ኣጋቤካ፤ ኔኒ ፓሪሴ ካዋቲ ኑሰ ቃዴታና ማላኔ ፓጽ ዲሼ ኣይሌቲፋፌ ኬዚዲ ካሴ ላሌቲዳ ጸሓ ኬላ ኑ ዛሪ ኬጸና ማላኔ ሃይሳ ዩሁዳኒኔ ዬሩሳላሚን ኑ ሳር ዳና ማላ ኦላዳሳ።

10 «ጊዶ ኣቲን ኑ ጸሓዉ! ሃይሳ ጋካናሰ ሃኒዳ ሚሻ ኡባሰ ኑ ኣይ ጋኔ? ሄኮ ሃኢካ ኔ ኣዛዞ ሞሪዶሰ።

11 ሃ ኣዛዞቲካ ኔ ኣይሌ ናቤታ ባጋራ ኢሜቲዳይታ፤ ናቤቲ ካሴ፥ ሩኢንቲ ላታና ቢታያ ቱና ኦሶፔ ዴንዲዳይሳን ኢዚን ዴኢዛ ኣሳይ ጋጸፔ ጋጸ ጋካናሰ ሃራሲዛ ኦሶኒኔ ቱናቲፋን ኩማና ማላ ኦሊዳ።

12 ሄሳ ጊሻሰ ኢንቲ ሚኖ ጊዳና ማላ ሄ ቢታይ ኣይፌ ማና ማላኔ ሜርናሰ ኢንቲ ኢንቲ ናይታ ላቲሳና ማላ ኢንቲ ማጫ ናይታ

ኢስታ አቱማ ናይታሰ እሞፍቲ፤ ኢስታ ማጫ ናይታካ እንቲ አቱማ ናይታሰ ኤኮፍቲ፤ ኢስቲ ዱሬታና ማላኔ ሳሮን ዳና ማላ ቃላ ጌሎፒቲ፤ ጊ ታማርሲዳ።

13 «ሃይሲ ኦ ቦላ ጋኪዳ ሜቶይ ኦ ኦሊዳ ኢታ ኦሶፔኔ ሞሮፔ ዴንዲዳይሳና፤ ጊዲኮካ ኔኒ ኦ ጸሳይ ኦና ቃጸይዳይ ኦ ቃጸዬታናሰ ቤሲዛይሳፊ ጉላ፤ ሄሳፊካ ቦላራ ኦ ሃይቆፔ አቲዲ ሼምፖራ ፓጸ ዳና ማላ ኦላዳሳ።

14 ሂሰቲን ቃሴ ኦኒ ኔ አዛዞታ ዬጲ አጲ ሃ ኢታ ኦሊዛ ማካላ አሳታራ ዋኒ ኤኬታኔኔ ጌሌታኔ? ሃ ኢታ ኦሶዛ ጋሶን ኦ ዜሬላ አሾንታ ኔ ሃንቆን ኔ ጳይሲኪዬ?

15 ጎዳ ኢሰራኤሌ ጸሳዉ! ኔኒ ቱሙ ፒርዲዛ ጸሳ፤ ጊዶ አቲን ኦኒ ጉላቲ ጳዮፔ አቲዲ ዴኦን ዳና ማላ ኦላዳሳ፤ ኦኒ ኔ ሲንላ ሺቃና ቤሲዛይታ ጊዶኮሺን ሄኮ ኦኒ ኦ ሞሮራ ኔ ሲንላ ሺቂዶሰ።»

10

አይሁዳቲ አይዛቤታራ ኤኬቶንታ ማላኔ ጌሌቶንታ ማላ ኬዚዳ ዋጋ

1 እዝራይ ጸሳ ኬላ ፔንጌን ጉልባቲዲ ዬኪ ዋሲሼኔ ኦሴቲዳ ናጋራ ኡባ ጸሳሰ ፓጺሺን አቱማሳቲ፤ ማጫሳቲኔ ናይታራ ጉጂን ዳሮ ኢሰራኤሌ ዳሬይ ኢዛ ዩዩ አጲ ኢታ ዬሆ ዬኪዳ።

2 ሄሳፊ ጉዬ ኤላሜ ዜሬላታፔ ዩሂኤሌ ና ሻካኒያይ እዝራ፤ «ኦኒ ኦ ዳሬን ዲዛ አይዛቤ ማጫሳታ ኤኪዳ ጊሻሰ ኦኒ ጸሳ ሲንላን አማኔቲቤኮ፤ ጊዶ አቲን ሃኢካ ኢሰራኤሌሰ ሂዶታይ ዳሰ።

3 ሃኢ ሃ አላጋ ማጫሳታ ኢስታ ናይታራ ጋላ ዬዳናሰ ጸሳ ሲንላን ጫቆ ቃላ ጌሎሰ፤ ጎዶ ኔኒኔ ኦ ጸሳ አዛዞ ቦንቺዛ ሃራ አሳቲ ኢሚዛ ዞሬ ኡባ ኦ ፖላና፤ ቃሴ ጸሳ ዋጋይ አዛዚዛይሳ ኡባ ኦ ኦላና።

4 ሃይሳ ፖላናሰ አላፊቲላ ኔሰ ዲዛ ጊሻሰ ዴንዳ፤ ኦኒካ ኔና ማዳና፤ አይኮይ ባ ሚና!።» ጊዳሰ።

5 እዝራይ ዴንዲዲ ቄሴ ሃላቃቲ፤ ሌዌቲኔ ሃንኮ አቲዳ ዳሬ ካሌሊዛይቲ ሻካኒያይ ሺሺዳ ቆፋ ኤኪዳይሳ ኢዛሰ ቆንጪሳና ማላ ጫቄሊዲ ኦሶ ዶሚዳሰ።

6 ሄሳፊ ጉዬ እዝራይ ጸሳ ኬላሰ ሲንላ ባጋፊ ዴንዲዲ ኤልያሼቤ ና ዩሆሃናኔይ ዲዛ ኪፊሌ ጌሊዳሰ፤ ዲኤቲዳ አሳታሰ

አማኖይ ዳዩን ኢስቲ ኦሊዳ ሞሮ ገሻስ ኩሜላ ኦማርስ ሙዞቲሼ ጋዴ ዋንቲሲዳስ፤ ካሊኔ ሃሰ ባ ደናኮ ሺሾንታ ጸሚዳስ።

7 ሄሳፌ ጉዬ ዲኤቴላፌ ሲሚዳ አሳይ ዩሩሳላሚን ሺቃና ማላ ዩሁዳኒኔ ዩሩሳላሚ ኡባን አዋጃቲዳስ።

8 ሄሲ ዉሪካ ዴሬ አይሲዛይታ ዞሬኒኔ አዛዘን ቃሼቲዳ ማላ ሄሹ ጋላሳ ጊዶን ሃ ሺቆዛን ሺቆንታ አቲዳዴይ ኦኒካ ዲኮ ኢዚ ሃሪዳዚ ዉሪ ቦንቄቲን ዲኤቴላፌ ሲሚዳ አሳታ ሺቆቴ ጎዴታና ማላ ዮቴቲዳስ።

9 ሄ ዴይሳዚ ዴይጌቲዳ ማላ ሄሹ ጋላሳ ጋርሳን ዩሁዳኒኔ ቢኒያሚ ዴሬን ዴኢዛ አሳይ ዉሪ ኡዱፋንሉ አገናን ናምኡ ታማንላ ጋላስ ዩሩሳላሚ ዩዱ ጸሳ ኬላ ካሬን ዲዛ ዴምባን ሺቁዳ፤ ሄ ሺቁዳ አሳይ አሾንታ ዱላታፔኔ ሄ ዋዴ ቡኪዛ ዋልቃማ ኢራፔ ዴንዲዳይሳን ኮኮሪሼ ሲዩዳስ።

10 ቄሴ ኢዘራይ ኤቂዱ፥ «ኢንቴ ኢንቴ አማኖ ፓጪሲ ቤቲዴታ፤ አይዛቤ ማጫሳታፔ ማቺታ ኢንቴ ኤኪዳ ገሻስ ኢስራኤሌ አሳ ቆሆ ቦላ ቆሆ ጉጂዴታ።

11 ሃኢፔ ደሚዱ ካሴ ኢንቴ አዋታ ጸሳ ሲንላን ኢንቴ ናጋራ ፓጺቲ፤ ኢዚ ኡፋዬቲዛ ሚሽ ኡባ ኦሊቲ፤ ኦ ዴሬን ዲዛ አይዛቤ አሳታፔ ሻኬቲቲ፤ ኢንቴ ኤኪዳ ሄ ማጫሳታ አንጂ ዩዱቲ» ጊዳስ።

12 ሺቁዳ ዴሬይ ዉሪ ባ ቃላ ቶቁ ሂስቲዱ «ኔ ጊዛይሳ ኡባ ኦ ኦላና!

13 ጊዶ አቲን ሄኮ ሺቁዳ አሳይ ዳር፤ ቃሴካ ዴጾ ኢራይ ቡኪዛ ገሻስ፥ ኢዛን ጌላና ኬሊ ባይንዳ ገሻስ ሃይሳን ኤቃናስ ዳንዳዮኮ፤ ሄሳ ቦላ ቃሴ ኦፔ ዳርቲ ሃ ናጋራን ጌሊዳ ገሻስ ኢሲ ቃማኒኔ ናምኡ ቃማን ሃ ዮኦዚ ዉራና ዳንዳዬና።

14 ሄሳ ገሻስ ኦ ሃላቃቲ ዩሩሳላሚን ታኪዱ ሃ ዮኦዛ ሎኤሊ ዴሌቶ፤ ሄሳፌ ጉዬ አይዛቤ ማጫሳታ ኤኪዳይቲ ዉሪ ባንቲ ዲዛ ካታማን ዲዛ ካሊሊዛይታራኔ ዳናታራ ጊዱዱ ባሬይ አሚቲዳ ጋላስ ባስ አሚቲዳ ፒርዳ ኤኬቶ፤ ሄሳሉ ኦሊኮ ጸሳ ሃንቆይ ሄሳን ኢርጸና» ጊዳስ።

15 ሃይሲ ዮቴቲን ማሹላሚይኔ ለዌ ሳባታይ ሄ ዮቴቲዳ ቆፋ ኤቄቲን ኢስታ ቆፋ ማዲዳይቲ አሳሄሌ ና ዮናታኔኔ ቲቁዌ ና ያሂጾሌ ጸላ ጊዱሺን ሃንኮ ዴሬይ ቆፋዛን ኩዩዳስ።

16 ዲኤቴላፌ ሲሚዳ ዴሬ ኡባይ ሃይሳ ቆፋዛ ኤር ጊ ኤኪዳስ፤ ሄሳ ገሻስ ቄሴ ኢዘራይ ሃ ኦሶዛ ኦሲሲዛይታ ኮራፒኔታ ዶሪዱ

ኢስታ ሱንሐ ጸፊ ዋሊዳስ፤ ኢስቲካ ታማንላ ኣገናይ ጌሊዳ ኮይሮ ጋላስ ሄ ዮኦዛ ፒልጊ ጸሎ ኦይኪዳ።

17 ካሊዛ ላይላን ኮይሮ ኣገናን ኮይሮ ጋላስ ኣይዛቤ ማጫሳታ ኤኪዳ ኣሳታ ዮኦ ፒልጊ ጸሊ ኦንጊዳ።

ኣይዛቤ ማጫሳታ ኤኪዳ ኣሳታ

18 ኣይዛቤ ማጫሳታ ኤኪዳ ኣሳታ ሱንሐ ሃይሳፌ ካሊ ዲዛይሳ፤ ቄሴ ዜሬላታፔ፡ ኢዮሳዶቄ ናይታ ጊዲዳ ኢያሶፔኔ ኢዛ ኢሻታፔ ባጋፌ ማኢሳያ፡ ኤልኤዜሬ፡ ያሪቤኔ ጎዶሊያሳ፤

19 ኢስቲ ባ ማቼታ ኣንጂ ዬዳና ማላ ቃላ ጌሊዳፔ ጉዬ ባንታ ቆሆ ያርሾስ ቋርሾ ኤኪ ኤሂዳ።

20 ኢሜሬ ዜሬላፌ፡ ሃናኒያኔ ዛባዲያ፡

21 ሃሪሜ ዜሬላፌ፡ ማኢሳያ፡ ኤላሳ፡ ሻማኤ፡ ዩሂኤሌኔ ኦዚያ፤

22 ፓሽኩሬ ዜሬላፌ፡ ኤልዮኤናዬ፡ ማኢሳያ፡ ኢስማኤሌ፡ ናቲናኤሌ፡ ዮዛባዲኔ ኤልኣሳ፤

23 ሌዌታ ዜሬላታፔ፡ ዮዛባዲ፡ ሺሞኤ፡ ቃሊጸ ጌቴቲ ጸይጌቲዛ ቄላያ፡ ፓታያ፡ ዩሁዳኔ ኤልኤዜሬ፤

24 ዬላ ዬጸዛይታ ባጋፌ፡ ኤልያሼቤ ጸሳ ኬላ ጊቤ ናጊዛይታ ባጋፌ፡ ሻሎሜ፡ ቴሌሜኔ ኡሪ፤

25 ሃራ ኢስራኤሌ ኣሳፔ፡ ፓርሴ ዜሬላፌ፡ ኤራሚያ፡ ዩዚያ፡ ማልኪያ፡ ሚያሚኔ፡ ኤልኤዜሬ፡ ማልኪያኔ ባናያ፤

26 ኤላሜ ዜሬላፌ፡ ማታኒያ፡ ዛካራሳ፡ ዩሂኤሌ፡ ኣቢዳ፡ ያርሞቴኔ ኤላሳ፤

27 ዛቶ ዜሬላፌ፡ ኤልዮኤናዬ፡ ኤልያሼቤ፡ ማታኒያ፡ ያርሞቴ፡ ዛባዲኔ ኣዚዛ፤

28 ቤባዬ ዜሬላፌ፡ ዩሆሃናኔ፡ ሃናኒያ፡ ዛባዬኔ ኣትላዬ፤

29 ባኔ ዜሬላፌ፡ ማሹላሜ፡ ማሉኬ፡ ኣዳያ፡ ያሹቤ፡ ሸኣሌኔ ኤራሞቴ፡

30 ፓሃቴ-ሞኣቤ ዜሬላፌ፡ ኣዳና፡ ካላሌ፡ ባናያ፡ ማኢሳያ፡ ማታኒያ፡ ባስሊኤሌ፡ ቢትዌኔ ሚናሴ፤

31-32 ሃሪሜ ዜሬላፌ፡ ኤልኤዜሬ፡ ዩሺያ፡ ማልኪያ፡ ሻማኤ፡ ሲሞና፡ ቢኒያሜ፡ ማሉኬኔ ሻማሪያ፤

33 ሃሹሜ ዜሬላፌ፡ ማታኒያ፡ ማታታ፡ ዛባዲ፡ ኤልፋሌጶ፡ ዩርማዬ፡ ሚናሴኔ ሺሞኤ፤

34-37 ባኔ ዜሬላፌ፡ ማኢዳዬ፡ ኣሚራሜ፡ ኡኣሌ፡ ባናያ፡ ባዲዬ ኬሉሄ፡ ዋኒያ፡ ሜርሞቴ፡ ኤልያሼቤ፡ ማታኒያ፡ ማቲኒያኔ ያኢሴ

38-42 ባኔ ዘሬላፌ፥ ሺምኤ፥ ሺሌሚያ፥ ናታኔ፥ ኣዳያ፥ ማኪናዳባዬ፥ ሻሻዬ፥ ሻራዬ፥ ኣዛሪኤሌ፥ ሺልሚያ፥ ሻማሪያ፥ ሻሎሜ፥ ኣማሪያኔ ዮሴፌ፤

43 ኔቦ ዘሬላፌ፥ ዩኢኤሌ፥ ማቲቲያ፥ ዛባዴ፥ ዘቢኔ፥ ያዳያ፥ ኢዩኤሌኔ ባናያ፤

44 ሃይቲ ዉሪ ኣይዛቤ ማጫሳታ ባሰ ማቾ ኤኪዳይታ፤ ኢሰቲካ ኣይዛቤ ማጫሳታ ኣንጂዲ ኢሰታ ናይታራ ጋሊ ዬዲዳ።

ጌሻ ማጸፋ

Gamo: ጌሻ ማጸፋ Bible of Ethiopia, Ethiopic script

copyright © 2024 The Word for the World International

Language: Gamotso (Gamo)

Contributor: The Word for the World Northern Africa

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

d0ee6825-f93e-584e-8c8f-567d8d068e4b